

Uunga siunnersuut: Suliffissarsiortunut ikorsiissutit pillugit Inatsisartut Inatsisaat**aamma****Uunga siunnersuut: Pisortanit ikorsiissutit pillugit Inatsisartut Inatsisaat***Isumaginninnermut, Sulisoqarnermullu Naalakkersuisoq***pillugit****Ilaqtariinnermut Peqqissutsimullu Ataatsimiititaliap****siunnersuutit aappassaaneerneqarnerannut****ISUMALIUTISSISSIONTAA**

Ataatsimiititaliaq suliarinninnermini uku ilaasortarai:

Inatsisartunut ilaasortaq Hans Peter Poulsen, Siumut, siulittaasooq

Inatsisartunut ilaasortaq Anna Wangenheim, Demokraatit, siulittaasup tullia

Inatsisartunut ilaasortaq Mikivsuk Thomassen, Inuit Ataqatigii

Inatsisartunut ilaasortaq Egaluk Høegh, Inuit Ataqatigii

Inatsisartunut ilaasortaq Mala Høy Kúko, Siumut

Inatsisartunut ilaasortaq Aslak W. Jensen, Siumut

Inatsisartunut ilaasortaq Emmanuel Nûko, Naleraq

UPA2022-imi marsip 21.-ani siullermeinerup kingorna siunnersuut ataatsimiititaliap misisorpaa.

1. Siunnersuutip imarisaa siunertaalu

Imminut pilersorsinnaanerup annertusarneqarnissaq pillugu Naalakkersuisut anguniagaat aammalu suliffissaaleqisut tamarmik imminnut pilersornissaminut akisussaaffeqarnerulernissaannut periafassinneqarnissaat aallaavigalugit inatsisissatut siunnersuutit marluk saqqummiunneqarput. Ilanngullugu pisortanit ikorsiissutinut aamma suliffissarsiortunut-/suliffeerunnermi ikorsiissutinut malittarisassat aaqqissuuteqqinnejnarnerannut tunngatillugu inatsisit pingaaruteqarput.

2. Siunnersuutip Inatsisartunit siullermeerneqarnera

Siunnersuut partiinit tigulluarneqarpoq, sammisallu assigiinnngitsut soorlu suliffissaaleqisut suliffittaarnissaminnt periarfissaasa qulakkeerneqarnissaa oqaluuserineqarluni.

3. Tusarniaanermi akissuteqaatit

Tusarniaanermi akissutigineqartut inatsisisatut siunnersummut kakkiunneqarput, tamanna Inatsisartut Siulittaasoqarfiata ilusiliinissamut piumasaqaataanut naapertuuppoq. Tusarniaanermi akissutigineqartut attuumassuteqaartut arlallit ilanngunneqarsimasut ataatsimiitaliap maluginiarpa.

4. Apeqquuteqaatit

Ataatsimiitaliap siunnersummi suliaqarnermini Isumaginninnermut Suliffeqarnermullu Naalakkersuisoq allakkatigut apeqquteqaatinik akissuteqarnissaa qinnuigivaa. Apeqquuteqaatit Isumaginninnermut Suliffeqarnermullu Naalakkersuisup akissuteqaatai uani isumaliutissiissutip ilanngussaq 1 aamma 2 ilanngunneqarput. Taassuma saniatigut ataatsimiitaliap siunnersummik suliaqarnerminut atatillugu ulloq 25. april Isumaginninnermut Sulisoqarnermullu Naalakkersuisoq ilisimatitsiffiusumik ataatsimeeqatigaa. Siunnersuutini marluusuni pingaarnersiuilluni ataatsimiitaliaq saqqummiivigineqarpoq aammalu ataatsimiinnermi apeqquteqarnissamut periarfissinneqarlutik.

5. Siunnersuutip aningaasatigut kingunerisassai

Siunnersuutip piviusunngortinneqarnerani aningaasatigut kingunerisassai siunnersummut nalinginnaasumik oqaaseqaatini allaaserineqarput. Tassani allassimavoq, siunnersuut 17. mio. kr.-inik akeqassasoq akileraarutitigullu 5 mio. kr.-inik isertitaqaatigineqassasoq. Ataatsimiitaliap suliarinninnermini tamassuma nunatta karsianut qanoq kinguneqassanersoq qulaajarpaa.

6. Ataatsimiitaliap siunnersuutinik suliarinninner

Suliffissarsiortutut ikorsiissutit pillugit inatsisisatut siunnersuut suliffeqanngitsoq imminut tunngasuni nammineq akisussaaffeqartoq aammalu suliffissarsiortutut ikorsiissutisinermi imminut tunngasuni allanguinissamut akisussaaffimmik tigusinissamut pisussaaffimmik malitseqartussaasoq aallarniutigalugu ataatsimiitaliamit maluginiarneqarpoq. Tamatumma saniatigut. Tamatumma saniatigut pisortat ikorsiissutaat pillugu Inatsisartut inatsisaata aamma suliffissarsiortunut ikisorsiissutit pillugit inatsisip ataqtiginnissaat Naalakkersuisunit qulakkeerneqarpoq.

6.1 Atuutilersitsineq siunissamilu inatsimmik allaffissornikkut aqutsineq

Pingaartumik suliffissaaleqisoqalersillugu imaluunniit pisortanit ikorsiissutinik pisartagaqartoqalersillugu kommunini allaffissornikkut assigiinnerusumik

periuseqartoqarnissaanik siunnersuuteqarnikkut atuutilersitsiniartoqartoq ataatsimiititaliamit maluginiarneqarpoq. Sulileriaannaanani inissisimasumut tunngatillugu, matumani ilanngulligit suliffissamik innersunneqartarnissaq, suliffeqalernissamut sungiusarneqartarnissaq imaluunniit piginnaanngorsarnissamut neqeroorutinik tigusisoqartarnissaanik siunnersummi ersarissumi allaaserineqarsimasoq ataatsimiititaliamit nalilerneqarpoq. Ataatsimiititaliamit inatsisisstatut siunnersuut qulaajarneqarnerani inatsisisstatut siunnersuutip atuutilersinneqarnissaanut kommunit allaffissornikkut sakkussaqarnerat aammalu sakkussat piariingajalersut kommunillu akornanni ataqtigijittoqarnissaanik qulakkeerisoqarneranik Isumaginninnermut Sulisoqarnerermut Naalakersuisup akissuteqaataani allassimasoq ataatsimiititaliamit pingartinneqarpoq.

6.2 Immikkut sullinniakkat

Taamatuttaaq 16-t 25-illu akornanni ukiullit suliffeqanngitsutut, ilinniakkanki ingerlataqanngitsutut imaluunniit pisortanit ikorsiissutinik pisartagaqanngitsutut nalunaarsorneqarsimanngitsunik ersarissumik pilersaarusiunneqarsimanngitsunik peqartoq ataatsimiititaliamit maluginiarneqarpoq. Innuttaasut taakku assigiinngitsunik peqquteqartumik inatsit manna aqqutigalugu sulilernissaminnut periarfissanik atuinngitsut arajutsineqartuaannartussaasut ataatsimiititaliaq naliliivoq. Innuttaasunut pisussaaffigalugu iliuusissatut pilersaarummik suliaqarnissaq inatsimmi qulakkeerneqassaaq, inuuusuttunilli sullinniakkankiujartorlugit siunertalimmik sulilersinnissaannut inuiaqatigiinnilu tapertaalernissaannut qulakkeerisoqassasoq ataatsimiititaliaq naliliivoq. Inuuusuttut 16-iniit 25-inut ukiullit ilinniagaqanngitsut amerlassusaat suliffissaaleqisutut nalunaarsorneqarsimasut pisortaniillu ikiorserneqarneq ajortut 322-usut, inuuusuttut susassaaleqisutut nassuaatigalugu allassimasoqarpoq. Ujartuilluni siunnersuinissaq pingaartumillu nassuaasiornissamik imaluunniit inuuusuttut ilinniagaqalerniarnerminnut imaluunniit suliffittaarnissaminnut akornutaasumik peqqissutsimikkut ajornartorsiuteqarnersut pillugu nassuaasiornissaq imaluunniit katsorsaanissaq siunertaralugu qulaajaasoqarnissaanik inuuusuttut sullinniakkat kikkuuneri paasiniarlugu Majoriaq ataavartumik attavagineqartartoq akissuteqaammi allassimavoq. Siumut isigisumik periusissanik qulaani allassimasutut pisoqartinnagu inuuusuttunut pinaveersaartitsinermik suliniutinik aallartitsisoqartoq Naalakersuisut akissuteqaataanni aamma allassimavoq (takuuk ilanngussaq 2).

Inunnut ataasiakkaanut iliuusissatut pilersaarummik suliaqarnerermut atatillugu suliassaqrifit akornanni suleqatigiit minnerpaamik ataatsit inuuusuttunik sammisaqartarnissaat piumasagaataammat inatsisisstatut siunnersummi inuuusuttut sullinniakkat kommunini immikkut sammineqartarnissaat Naalakersuisut pingaartippaat.

6.3 Amerlanerusut sulilersinneqarneri

Amerlanerusut sulilernissaannut inatsit sunniuteqassanersoq pillugu paasisaqarnissaq ataatsimiititaliamit soqtigineqarpoq. Pissutsit arlallit apeqqutaasut Naalakersuisut akissuteqaataanni allassimavoq, matumani ilanngullugu takorluukkani tunngavigineqartoq

pisortanit ikorsiissutinik pisartagaqartut 20%-tii suliffissarsiortunut ikorsiissutinut nuunnissaat, piareersimanermut pisussaatitaanerup atorfinnik piffissaq tamakkerlugu sulisartut 41-nik ikileriarnissannik ukiumullu 5 mio. kr.-inik sipaaruteqarnissaq aallaavagineqarluni. Ataatsimut isigalugu sulileriaannarnut suliffissarsiortunullu ikorsiissutit pineqartup ikorsiissutinik pisartagaqarnerata sivitsoriartornerani pisartagaasa ikiliartortinneqarnissaannut pitsaasumik sunniuteqassaaq.

6.4 Piginnaasanik ineriartortitsinermi periarfissat amerlanerusut

Akissuteqaammi aamma allassimavoq, suliffissarsiortut inuussutissarsiornermi piginnaasaasa ineriartortinneqarnissaasa sammineqarnerat annertusissasoq taamaalillunilu suliffeqarfinnut attuumassuteqarnerisa aalajaannerulerlernissaanut periarfissaat annertunerulerlutik. Taamaattoq sumiiffiit neqeroorutaasartullu apeqqutaajumaartut.

6.5 Iltsorsorneqarnissamut periarfissaq

Majoriaqarfiunngitsuni iltsersuisarneq Innuttaasut Kiffartuussivianniit imaluunniit oqarasuaatikkut saaffiginninnikkut isumagineqartarpoq. Naalakkersuisut akissuteqaataanni allassimavoq, inatsisisstatut siunnersuut namminermi toqqaannartumik suliffissanik pilersitsinavianngitsoq, amerlanerusunulli pisussaaffigalugu iliuusissatut pilersaarusiussaqataassasoq, inuit amerlanerusut piginnaasaqarnerulerlernissaannut periarfissaqarnerulissasut, aammalu kommuni imaluunniit Majoriaq ataatsimiinnissanut aggersaasartussaasut.

6.6 Majoriami nukiit annertusineqarnissaannik pisariaqartitsineq

Siunnersuutip Majoriamut immikkut aningaasaliinissamut naatsorsuutigisat aningaasartaleruminaatsusoq Naalakkersuisup akissuteqaammini nassuaatigaa, taakkumi ataatsimut tapiissutit isumaqtatigiinnitigineqarnerini aatsaat aalajangersaavagineqartussaammata.

6.7 Siunissami qarasaasiatigut aaqqiissutissat

Qarasaasiatigut aaqqiissutissat, inatsisip atuutilersinneqarnissaanut pisariaqartinneqartussat sullissinermilu tapertaasussat naleqqussarlugit suliaq aallartinneqarpoq. Tamatuma saniatigut appimik ineriartortitsisoqassaaq piffissaritinneqartoq eqqortinneqarnersoq assigisaallu qulakkeerumallugit.

6.8 Iliuusissatut pilersaarutit imarisaat

Sulilernissamut piareersimasunut makku atuupput:

Suliffeqannngitsut suleqatigilluinnarlugit iliuusissatut pilersaarusiortoqassaaq, suliffissarsiortunilu nalunaarnermiit kingusinnerpaamik sapaatit akunneri sisamat qaangiutinnagit kommunalbestyrelsimut saqqummiussisoqassalluni. Iliuusissatut pilersaarummi ilanngunneqassapput, matumani ilanngullugit ilaqtariinnut, ineqarnermut

tunngasut allallu paasissutissat imminermut tunngasut allaaserineqarneri. Suliffeqanngitsumut pisussaaffiliisumik anguniakkat sammisassaqrnerlu, matumanilanganngullugit piginnaanngorsaanermik ingerlatsineq, ilinniagaqalernissamut periarfissat, sulilernissamut sungiusarneq il.il. allaaserineqassapput.

Sulilernissamut piareersimanngitsunut makku atuupput:

Aallarniutigalugu oqaloqatigiinneq qinnuteqarnermiit kingusinnerpaamik ullut 14-t qaangiutsinnagit ingerlanneqartassaaq. Tassani aamma iliuusissatut pilersaarummik suliaqartoqassaaq kingusinnerpaamillu qaammatit arfinillit qaangiukkaangata nalilorsorqinnejartassalluni. Qaammatit 12-it qaangiuppata pisortanit ikorsiissutinik pisartagaqartoq pisartagaqarnini ingerlatiinnassaneraa imaluunniit assersuutigalugu siusinaartumik pensionisiaqalernissamut qinnuteqarnissaq tigussaasumik naliliiffigineqassaaq inissisimaneq tamakkiisoq inissisimanermullu tamakkiisumut suna naapertuunnerunersoq nalilorsorneqartuartassapput, suliffeqanngitsorlu sapaatip akunneranut minnerpaamik 20 tiimit innuttaasut sulisinnaassuseqalersut piaartumik suliffissarsiortunut ikorsiissutinut nuunneqartassapput.

6.9 Siunnersuutip aningaasaqarnikkut allaffissornikkullu kingunerisassai

Takorluukkat allaaserineqartut qularnartoqarneri annertupput, allakkatigullu akissuteqaammi inatsisisamullu oqaaseqaatini tamanna erseqqissarneqarpoq. Ataatsimut qarasaasiatigut aaqqiissuuteqarnikkut kommunini sullissineq pisariinnerulissasoq neriuutigineqarpoq. Tamatuma saniatigut ikorsiissutissatut naatsorsuutigisanut taarsiuullugu annertussusileriikanik ikorsiisarneq kommuninit aqukkuminarnerulissaq. Taamaattumik kommunit sulisunik aqqaneq marlunnik 6 mio. kr.-t nalinginik sipaaruteqarnissaat naatsorsuutigineqartoq Naalakkersuisup oqaatigaa. Allaffissornikkut kingunerisassat pillugit aamma allassimavoq innuttaasunik eqqortumik neqeroorutinik innersuussinernillu suliaqarnermik piginnaasaqartunik sulisussanik allanik pisariaqartitsisoqassasoq. Sullissinermi inuit ataasiakkaat pisariaqartitaannut naleqqussaanermut atatillugu pikkorissartitsinissaq pilersaarutaasoq 2022-illu ukiaanerani aallartinneqassasoq, 2023-imilu malitseqartinneqassasoq Naalakkersuisut oqaatigaat. Ataatsimut isigalugu inunnut pisortat ikorsiissutaannik pisartagaqarneranniit suliffissarsiortunut ikorsiissutinut nuuttunut inatsisisatut siunnersuut samminerulissaq, annertunerusumillu suliakkersuutaanissaa naatsorsuutigineqarani.

7. Aappassaaneerneqarneranut atatillugu Naalakkersuisut allannguutissatut sinnersuutaat

Inatsisip kalaallisoortaani	oqaatsitigut	annikitsumik	aaqqiissuteqarlutik
aappassaaneerinissamut	Naalakkersuisut	allannguutissatut	siunnersummik
saqqummiussaqarput.			

8. Ataatsimiitaliap inassuteqaatai

a) Uunga siunnersuut: Suliffissarsiortunut ikorsiissutit pillugit Inatsisartut inatsisaat:

- Ataatsimiitaliami amerlanerussuteqartut Inuit Ataqatigiinneersut, Siumumeersut aamma Naleqqameersup Naalakkersuisut allannguutissatut siunnersuutaat akuerineqassasoq inassutigaat.

b) Uunga siunnersuut: Pisortat ikorsiissutaat pillugu Inatsisartut inatsisaat:

- Ataatsimiitaliami amerlanersussuteqartut Inuit Ataqatigiinneersut, Siumumeersut aamma Naleraqqameersup Naalakkersuisut allannguutissatut siunnersuutaat akuerineqassasoq inassutigaat.

Demokraatiniik ilaasortaatitaq ikinnerussuteqarluni imatut oqaaseqaateqarpoq:

Sulilersitsiniaanermut siunnerfeqarneq pitsasutut isigaarpuit, taamaattumik toqqaannartumik suliffinnik pilersitsiviunngitsumik nunattalu karsianut ukiumut minnerpaamik 12 mio.kr.-imik amigartoorteqartussamik siunnerfeqarneq politikkikkut akuerisinnaanagu oqaatigisariaqarparput. Taassumap saniatigut Majoriamut aningaasartutissat maannamut qulaajarneqanngitsut, allaffissornikkullu annertuumik piumasaqaatitalimmik suliniutinik aallartitsisoqarnissaa, sulisoqarnikkut, pikkorissartitsinissamut minnerunngitsumillu ukiumoortumik kommunit peqatigalugit aningaasanut isumaqatiginninniarnermi aatsaat tamanna qulakteerniarneqassasoq. Taamaattumik nunatta karsianut qanoq kinguneqarsinnaanera ilisimanngilarput.

Sulineq sutigut pilerinartuunissaa anguniarneqartillugu isumaqataangilagut sulineq orniginartinniarneqarnera aningaasat pisartagassat qaffanneqassammata, allaat SIK-p isumaqatigiissutaa aallaavigalugu isertitaqartumiit sapaatip akunneranut 40 tiimit sulisartumut 90%-ia pisartagarilersinniarneqarmat, uffa sulinngikkaluarluni.

Isumaqpugut allannguinerit aallaqqaamut aningaasaliinermik aallaaveqarsinnaasut, siunissami pitsaaqutissartaaai takusinnaagutsigit, uanilu sunniutissat naatsorsuutilu naatsorsorneqarsimannngitsut tunngavigalugit inatsisinik atuuttunik allannguinissamut siunnerfeqarneq peqataaffigisinnaaingilarput.

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappassaaniigassanngortippaa.

Hans Peter Poulsen
Siulittaasoq

Anna Wangenheim
Siulittaasup tullia

Mikivsuk Thomassen

Eqaluk Høegh

Mala Høy Kúko

Aslak W. Jensen

Emanuel Nûko